

啟定七年
西曆一千九百二十二年

第 十 卷

南風

主筆

漢文阮伯卓
越文范瓊

印刷所河內東京印館

◎南風雜誌第六年上半年目錄攷

啟定七年西曆一千九百二十二年

◎第五十五期

〔西正月〕

張數

世界文明歷史上之各大辰期（續三）

河東省民律之試驗

三三

故教學休致阮伯學先生遺談遺草（續四）

南國女流序

四四

順化古時之人物

古代我國與日本之交通（續）

五四

公債之目的

文苑

五九

廿二

初學漢文課法（續九）

三十

北圻派部賀表

六三

嶺南逸史（續五）

六四

◎ 第五十七期 [西三月]

張數

民律預行草（續）	七二
嶺南逸史（續六）	八二
粵東風土記	八六
中國之哲學略論	八八
阮伯學先生叢談遺草（續五）	九四
（文苑）	九七
見聞錄序	九九
國內之部	百〇三
中國辰局	百十一
初學漢文課法（續十）	百十二

◎ 第五十八期 [西四月]

張數

俄國過激黨政策之變更	百十三
------------	-----

越南光榮之歷史	百二十
---------	-----

法國事情	百廿二
------	-----

粵東風土記（續二）	百廿八
-----------	-----

嶺南逸史（續七）	百三三
----------	-----

阮伯學先生叢談遺草（續六）	百四十四
---------------	------

見聞錄（續一）	百四五
---------	-----

（文苑）古今詩摘錄	百四八
-----------	-----

（辰談）國內之部	百十五
----------	-----

◎ 第五十九期 [西五月]

張數

◎ 第六十期 [西六月]

張數

- 冊立皇太子記 ······ 百五三

- 開智進德會之現在及將來 ······ 百八五

- 華盛頓府列強大會議 ······ 百六五

- 開智進德之主義急宜見諸實行 ······ 百八六

- 國子監考 ······ 百七二

- 歐洲近世之文明及社會之進步 ······ 百九三

- 粵東風土記 (續二) ······ 百七六

- 記朝鮮貴族李女士淪落歷史 ······ 百九五

- 開智進德會對於我越南之前途 ······ 百七八

- 粵東風土記 (續三) ······ 百九九

- (長談) 國內之部 ······ 百八三

- 文苑 ······ 二百一

- 良心說 ······ 二百三

- 天錫九疇論 ······ 二百五

◎世界文明歷史上之各大辰期〔續三〕

[南風]

三三 近代之世界。一試拭目而觀第十六世紀文明世界之亞洲輿圖。則見遠東各國民族皆一味恬熙自由發達。其進步亦速。仍不啻別成爲一世界。對於人類之進化無有影響。惟亞洲之中部及西部則有斯拉夫、土耳其、蒙古諸民族。彌漫進入歐洲之東部。雖上流民黨稍有文化。而下流之民則窮苦殆甚。其在非洲則惟有地中海之沿岸。猶能保存舊傳之文化。美洲之北則全是紅種所居之地。於文化上猶屬於部落的辰期。其在中部及南部則有英哥 (Inca) 人種亦文明之一民族。然當此辰則被歐洲之強者肆行破壞。總之惟有西歐一境。自來能有完全資格。足爲文明世界全局之主動力。其辰西歐有強大之王國。二英與法是也。帝國一德國是也。其他若西班牙、若意大利。不過僅存地輿上之一名辭。國中分割爲無數小州郡。不成其爲國矣。

三四 君主制度與民主制度。一自十四世紀以後。西歐進化之程度。已漸變封建制度。而成爲君主制度。君主制度則傾向於一統而成國。迨後國民被君主專制之壓力。遂起而要求權利。激成革命。傾倒君主。而民主由之成立焉。其在德國雖已成立爲帝國。而尙存封建之精神。彼 Habsbourg 皇派。不過爲一上侯。其權力稍勝於其他之諸侯耳。法國當佛郎梭帝 François 第一辰代。諸侯之勢力已衰。至 Richelieu 爲首相。則諸侯全歸覆敗。國勢既統一。則各民黨亦歸於統一。藉有此民團強健之團結力。而佛郎梭帝第一遂能與德國 Charles Quint 帝爭勝。而法之首相 Richelieu 對於三十年戰爭之局。亦獲勝利。至路易 (Louis) 第十四外。則所向征服。內則有諸部臣辨事果斷。平定諸亂。

黨。又善用中央集權之政策。組成最鞏固之君主專制政體。能使已經成立民國之人民皆帖服順從自 Nîmègne 和約之後。則法國寔居歐洲文明列國之首席。

三五 歐洲十七世紀之社會。——當 Louis 第十四全盛之辰。法國正爲歐洲文明之代表。不惟以武力爭雄勝於列國。而於精神界美術界思想界。法國比與列國亦爭勝焉。各國皆欲摸仿而取法之。其極也一皆摸仿於法國。惟所異者信仰之宗教耳。然第十七世紀之文明。亦無何等異點。不過因中古辰代所固有之資格而擴張發展之。辰社會中人尙分爲三階級。如僧侶貴族及第三級人 (le tiers état) 亦猶昔辰有得享受特權者。有不得享受特權者。其有特權者則負担社會之責任。輕其無特權者則一切社會之重負皆其擔任。農奴之俗雖已革除。然享受特權之人數日多。故農民之擔受租稅因之太重。然而對於君主專制之權。於此三階級之人亦皆一律服從也。

三六 俄國壓制之制度。——俄國當 一六八二年至一七九六年 一世紀之間。有彼得 Pierre 大帝及喀德璘 (Catherine) 女皇二英傑雄才之君主者出。遂能變革從前屬亞洲文化之俄國。成爲歐洲之一君主政體國。仍猶是東方之國俗。君主降諭則謂之聖旨。其權絕對可迫使人民服從。又豢養宮嬪美女一如東方之宮院。Kremlin 教堂之體制。亦與中國北京之紫禁城無異。村野之民則腐陋愚蠢。而性多嗜酒。若欲改革此等民俗最爲艱著。彼得大帝乃漸改革其風俗。婦女之被鈴制者則解放之。又勸令墾闢其土地。創立中央政府及各地方自治之制度。君主對於政治尊教有絕對之權。組織軍隊。設立海軍。以莫斯科 (Moscou) 舊都城偏居於東方。遂棄之而遷於西方之聖彼得堡 (Petersbourg)。刑罰則猶用舊制。如斧鞭車輪繩索之類。以強迫人民使之改化。此雖壓制政策而亦有益於進化之途。

四十年後喀德璘女皇繼彼得大帝之業。行土耳其之殖民政策。愈日愈開闢其國界。女皇又與法國名士如 Voltaire, Diderot, D'Alembert 諸先生相友善。外面雖名爲愛自由主義。而其寔則對於農民虐待太甚。又欲與歐洲相接近。遂佔據波蘭 (Pologne) 地界之一部分。

三七 英國代表制度。——當封建制度之猶留影響於德、意、西諸國君主制度之盛行於法國及當俄國行專制政體之辰。則英國最先唱自由主義。一六四八年之革命不成。至一六八八年則不至流血而卒收成功。此乃經一世紀辰間所決斷之結局。蓋一方面則皇族派以爲君權者乃天之所授。故欲保守專制之權。一方面則國民欲選舉代表以決斷國事。民權宣言書有云。國之主權在人民。政治之機關在議院。一六八八年之革命。不惟解決得政治上之紛爭。而尊教上之紛爭亦能解決。國內既平靜。則對於外界亦獲勝利。自此英國遂佔得政治界最高之地位。營業界亦獲優勝。當第十八世紀之辰。期英國寔能先各國傳播自由之光彩遍於環球。法國之各哲學家寔於焉取鑑也。三八 法國未革命之先。——法國第十八世紀社會之形式亦無異於十七世紀。然其精神則已大改觀。上流之智識者已改其拘守性質。莫不欲享生活上自由之樂趣。中流社會則漸已豐富。且能隨其風潮而趨向之。至如在各城鎮及在各村野之勞動人民。其生活上之光景稍舒。亦已漸有勢力。此第三級之人民。幾有希望可得享中流以上之權利。此辰代之哲學家經濟家。其表表者爲孟德斯鳩 (Montesquieu)。福祿特爾 (Voltaire)。盧梭 (Rousseau) 諸先生。則以平等自由之思想傳播於民間。能以其理說證明夫專制政體之流弊及社會組織之缺點。遂激成一七八九年革命之風潮。此雖由於政治頽敗所致。而太半亦由於諸家所傳播之新思想所激動也。蓋當辰之政治則施行專

制制度。以爲君權由於天授。社會則各個人之權利義務不得平等。尊教則不得自由信仰。經濟則各有鈐制限。此乃當日法國之社會現狀。而其辰諸著作家之傳播新思想者。則正與此現狀相反對也。

三九 法國之大革命。——英國一六八八年之革命。則已能解脫己國專制之牢籠矣。法國一七八九年之革命。則不惟能解脫自國。而歐洲全局亦因此得有解放之機會焉。此際革命對於世界極有影響。最先者改革法國。炤從立憲會(Constituant)所定之人權及民權宣言書。宣言中最重要之條件者曰平等主義。此平等之思想已先自耶穌教主唱之。然許久不能發展。今始復昌明之。儼然爲各國公法私法之根本。人民無有分別等級。不復如曩日有僧侶貴族及第三級人之分。從前享有搜稅之特權。及各社會(corporations)各職役可以錢買之習慣。一切革除。公然宣佈云。凡爲法民而有資格者。皆得充爲國家任事之職。此革命之辰代。又能唱明自由主義。以爲人人皆有自由之權。而不侵犯他人自由之界限。最要者爲信教自由。思想自由。言論自由。此雖經幾番劇烈之競爭。而能使自由之神出現於世界。人人皆享有利益也。

四十 拿破侖之帝政。——馴至拿破侖(Napoleon)辰代。而一統思想又復有一番之爭勝。拿破侖慨然欲恢復羅馬帝國之範圍。而益增其式廓。且又振整之。以卒大革命辰代之功業。當爲統領(consul)辰。則整頓財政及刑法。又與教會(Concordat)簽記協約。編輯民律。製定北斗佩星。創立法國銀行。及登皇帝位之辰。雖東征北伐。不遑暇給。而猶留意經營。使庶事均得整備。如創立大學堂。獎勵工商諸營業。寔行許多浩大諸工程。然而拿破侖帝之施行政令多偏於專制。立成一貴族新黨。所以

有資本有學識之中流派多不服從。且帝常以暴動之手段對於教皇。所以各僧侶派及諸教民亦多不服。又徵召民兵殆無寧歲。不免窮兵黷武之誚。卒使勞働派之工民農民。前此仰賴帝權保護。始享有土地營生自由平等之俸福。本以忠誠之念貢獻於皇家者。到此辰亦生厭薄矣。雖然拿破倫所行之政策。其間固多有誤點。而帝寔已立成政治社會之基礎。至今猶倣效之。

四一、科學爲文明之動力。——前此科學之真相。猶若隱於各試驗房中。未見發露。至十九世紀始見科學出現於開通諸國之各社會中。因此生活界之變換非常迅速。或由地質學而得化金藝術之精。或由物理學而得製造機器之巧。煉皮煮酒諸工藝。則由於化學。農學。醫學。衛生學。則由於動植物學。世界之文明進化。寔多由於科學之進步。不可勝言。其始焉。猶用煤炭。繼焉能利用湍水。始焉猶用水汽。繼焉能利用電氣。昔者僅能發明地上及在地下之秘藏。今則魚雷潛於海底。飛艇騰於空中。科學之精進。幾無止境。然科學愈進。而人類相殘相殺之機械愈增。誠懼可也。

四二、機器代人工。——機器代人工。可使傭工勞働者。却減失其生活計與否。此問題在昔思想家如 Thiers. Michelet 諸先生。曾以爲可慮。然細驗其寔際。亦不足深慮。自有機器出現。而物質之生產力。日增。不知其幾十百倍。可以應社會生活上之需求。最爲便利。而勞働派之傭工者。不惟不因機器致頓失其所事。而其數亦日見加多。從事於機器者。人工尚有不敷之慮。今日各國之工人黨。要求每日勞働只限八點鐘。百工之事。因此而停滯者多。故欲擴張諸事者。尤欲其機器之日加靈活也。此機械主義 (le machinisme) 之對於社會者。其結果又別成爲工廠中之生活計。其間不無利害參半焉。蓋關於生活上之利益者。多生團體心。而亦多結成會黨。其禍害有不可言也。

四三 文學美術爲文明之動力。——吾人智腦之活動而靈捷猛進者。無有逾於十九前世紀之辰期。文明歷史中之結果於精神界者。亦惟此辰期爲最優。或結果於當時。或造因於來世。此時法國蓋居萬國之首席也。夫科學之進步固能變改其生活上之光景。而文學美術之進化。不啻如一七八九年政治上之大革命。能使精神界爲之變換一新。不惟變換而已。又從而解放之。彼文章美術之浪漫派 (*romantisme*)。固不無流弊。然寔能解放吾人之精神。使之脫離於腐陋之圈套外。演說新聞諸藝業。亦一時並起鼓舞振興。以換改人民之心性。不惟改革上流派之心性而已。即如文藝復興尊教改革之時期。及大革命前之諸哲學家。寔能舉一般社會民族之心性而改革之。雖此時之演說家新聞家。常被鈴制。不能完全自由。然亦能竟前代未完之功業。使人民得收獲普通選舉 (*suffrage universel*) 之權。如此則民主主義因文學派之鼓吹而已。獲勝利矣。

四四 經濟界之競爭。——自機械主義盛行。而世界之工藝商業異常發達。物質之生產比前百倍。運載之途迅速非常。所以各國對於交通上。始有特別之關係。須有一共同之規則。以限制之。故不得不注重於經濟問題也。凡有國於地球者。其燃料 (*combustibles*) 或原料之產出。未必已足供爲自國製造之用。然或有國產出之多。自國亦未必能盡用也。所以各國要有相資相濟之義。如何可使雙方關係。交通各得其便利焉。其方法有二。自由貿易 (*libre-échange*) 與保護貿易 (*protectionnisme*) 是也。此兩方法皆有便利。欲調和雙方均需其利益。必須有訂定之商約。無論何國皆須保護其自貨之來。內貨更受其壓力而不能消售。所以調和得當。最爲艱著。然其寔正爲各國商界之競爭場。商政之征稅。即爲商場中爭勝之利器。其結果可使其一國因此而興旺。或可使其一國因此而衰焉。

四五 開拓屬地之政策。——商戰之目的。要使其國貨之輸出消售於外國者多。而外貨之輸入者少。如此則其國必須有屬地以爲輸售貨物之場。既無輸入之稅。而發售又有特權。對於其他各國。豈不佔其優勝哉。古者以爲屬地乃一奢侈品。未成其爲切要必需之品。然今則屬地對母國之關係尤重焉。法、英、西班牙諸國。曾已賴有屬地而增進其富強。英國則力加開拓屬地。而權利又愈日愈增。西班牙則不能保存屬地。遂一跌而反居列強之末席。法國當十八世紀之時期。已幾乎盡喪其屬地。至一八三〇年始漸有恢復之機。德國則立國最後。不暇及於開拓屬地。對於各國屬地。常懷爭佔之夢想。所以常與列強妄生仇隙。遂激成近日歐洲之大戰。若法國近日之經濟界。雖不如前。然識者以爲欲解目前之窘迫者。法國要宜盡力擴張。利用亞洲及非洲之各屬地。

四六 美利堅之時代。——美國之興。其在二十世紀之時代乎。美之立國。始自十八世紀之終期。聯合在北美之英法各屬地而成立。至十九世紀之時期。歐洲流民始渡北美而營業。夫北美者。乃昔時紅夷人種所居之地。迨歐人來集。漸以開闢而遂成爲龐大之一民國。其文化亦模仿歐洲之文明。而今後則愈日擴張光大。其進境寔未可限量。美國天然之景象。固已偉大非常。而美人之宏略。正以卓冠世界之功業。自期不達其目的。不止果爾。美國富強之業。甲於列強。農工商業極其盛旺。貨物財產最爲豐富。然物質界之盛旺。却優勝於美術精神界。所以世人曾目美人爲營業手 (businessmen)。美國當成立之初期。雖曾藉得歐洲之援助。然自成立後。遂提倡孟羅主義 (doctrine of Monroe)。絕不與舊世界相干涉。馴至近日歐洲大戰。美國始出而干涉之。且將其所鑄造之新文明。與舊世界之文明。相爲融洽焉。

四七 南美之部分。—南美及中美之部分。其文明之進步稍遜於北美。當十五十六世紀之初。西班牙及葡萄牙人始來佔據其地。然已有西印度(Sediens)人種先聚居於此。其文明程度亦已稍高。可以頡頏於古時之埃及人種。而西人葡人所經營之目的。惟利用土民以爲自己營利之計。且其初也。歐人之視南美。不過爲一暫住之地。而流民之遷於南美者。其目的亦只留住數年。營得重利便作歸計。誰肯有心開拓產業於其間哉。如此則文明程度安望其有循序漸進之機乎。時至今日。始立成偉大之基礎。平原一望。極目無際。歐人種植牧畜於其間。藉有土民及外來之黑奴爲之使令服役。今已開拓立成許多大都市。人民已定厥居。文明之基礎既已成立。如 Buenos Ayres 城及 Rio de Janeiro 城者。較與歐洲之諸大都市亦不相讓也。

四八 亞洲之新日本。—異哉日本。以亞東之一古國。而一旦改從歐西之文明。亦古來所異聞而罕見也。且其民族猶淪於封建制度。其習尚則猶守古時風俗。信仰猶限於神教佛教之中。地勢則與歐美各國不相連接。而突然一時出現。幾盡吸收歐西之文化而摸仿之。夫謂日本爲盡能摸仿歐化誠爲過當。然其輸採亦多得歐西精粹之文明。或謂日本爲一切歐化之國。亦未必然。究其寔則除日本之城市外。其餘各鄉村則依然未有改觀。亭宇則飭以朱漆。家屋則猶純用竹木古制。尚存婦女則天嬌媚。嫣然猶一粉像。若在各都市則煥然一新。當一八六十年間有一法國技師來日。製造火船。且爲日本立一海軍隊。承至今則日本海軍之雄彊。何如觀 Hiroshima 之海戰可知矣。若夫商船工廠。近來擴張發達甚速。日本學生則接武遊學於巴黎倫敦柏林諸城。吸收歐西之新學識。及其習尚之新風化。文明結果。遂有新舊二派之分。新文明派則日益膨脹。舊派幾乎爲化矣。

四九

歐洲及世界之均平勢力。—世界文明進步之競場中。到十九世紀之中間。則凡何國已列於文明列強之席者。大抵皆有均平之勢力。其居處習慣風俗法律。皆有相同之點。其間所異者。惟各隨其種族與氣候有一二之不同耳。就中有此國優勝於彼國者。亦不必分別。要惟使如何勢均力敵。各國無有偏勝之虞。當此時期。則使命之派遣會議之招集。同盟之聯絡。協約之締結。其目的不過在維持列強均平之勢力耳。然其勢亦不能維持永久。漸得平均便復偏勝。維也納(Vienne)之會議。解決各問題。其結果亦不優於柏林 Berlin 之會議。聖神同盟(sainti Allianee)會之聯結。未幾便復解散。其始也。各國民族或以王家之權利。或以種族之統系。而相爲聯結。今則以國際財政(finance) (internationale) 為準的。此列國外交之對付。則皆以理財問題而決定。若夫各民族欲享和平之幸福者。莫不大聲提倡罷兵之舉。而未見何國肯減縮兵備也。

五十 國際主義。—公共黨(Lacommune)及芻越(So-viet)會。—今日之社會。乃一中流之社會。固宜以民族主義爲要素。與今日之社會相反對者。乃勞動黨(proletariat)及各國勞動黨之聯合會。此正國際主義之謂也。由此主義。則今後之競爭不在乎彼國與此國。而正在乎一國中之各民黨。欲使勞動民黨得代替中流派。而爲世界之主人翁。職此之故。遂成文明之新風潮。以共產主義爲社會之要素。然欲達此目的者。勞動黨遂結成聯合會(considicats)。此各會又集成一大會。謂之總聯合會(confédération)。又遍設支會於世界各國。惟用一總罷工之方法。其方法蓋欲以罷工手段。使現今社會行動之各機關。被其停滯而至於消滅。或急欲成功。則必動至器械以行破壞。倘國家當變亂之秋。則行破壞之方法。最爲易事。如法國當一八七十至一八七一年之敗。則有公共黨起。俄國當一九十七年之傾覆。則有芻越會黨成立。此皆勞動民黨勢力之膨脹也。

五一 德國之文化及其失敗。——當二十世紀之初期，纔出現一新文明，乃德國所特有之文明。德人謂之(Eller)是也。此德人所有之文化其特性果如何？不過欲以強權壓倒公理耳。蓋欲舉行一切古時封建君主帝制君國之制度，極力反對現時自由平等之精神。視條約爲廢紙，以狡譎爲利器。其目的惟欲執世界伯權之牛耳，役使其征服之民皆爲己之奴隸，佔據其土地，強制其人民，使皆服從於自己之法律之風俗之美術之文學之思想。且又迫之輸買其自己之國貨。戰爭則純用破壞擄掠殘殺之暴虐手段。其意以爲人道之戰爭必用殘酷手段，非殘酷則不能早了結戰局。若夫廉恥誠寔之真德性，則絕然不顧也。此德國所特有之文化大抵如斯。而一九四四年之大戰局，德人所以開釁者，蓋欲以其所有之文化傳播於各國。而法國馬尼(Marne)河流域之戰，正法人踴躍扼腕與此殘酷之文化相抵抗。而其後卒得全勝之名譽者也。

五二 萬國會。——夫以德人之思想如此，則法國與其他文明諸國不得不思對付之方法。遂聯合之爲萬國會。其組織之目的，蓋欲舉全世界皆寔行一主義。惟以公理人道與強權殘暴之主義相對付。而各國屢起競爭，屬於政治、經濟、財政、社會諸問題，與夫用以預備競爭殘暴諸器械。今後將提交一高等裁判所決議。列國合爲萬國會，以調停解決其共同諸要務，無異乎各國之自解決其政務也。無論何國皆得入會，惟要有稱當之資格。德國欲預會者亦不之禁。若何國有違悖會之主義，則另設法裁制使之服從。蓋此主義先自法國提倡之前年已成立(1848)城之會議。今則有法國上議院正議長(Léon Bourgeois)及美國前總統威爾遜對於此主義，寔有大功焉。天主教之耶穌教主，曾對此諸公而祈禱之曰：「惟願好心人長得享世上和平之幸福。」此語其將見於寔行否乎？

(完)

△故教學休致阮伯學先生叢談遺草（續四）

◎學校

在京有國子監。在外有督學教授訓導諸學衙爲國中之大學校也。國人有志於功名者皆得入之。專習以八股詩賦詔表論策之文。謂之科舉之學。蓋非此無由獵取富貴也。上流諸人以文章道德先進自命。多置身於講諭後學。如下亭金鼓武石諸名場爲學中山斗一辰名士多出於其門。若府縣之教官多不帖士望。至有青燈似荳官舍如僧之感。朝廷若只用教官爲一年考覈士子之委任員。而訓教亦只認教職爲他年挑補府縣之梯階。若謂作成人才爲國家儲用。豈其所事哉。

●科舉

古人用人多由鄉舉里選。間有設爲賢良方正諸科。以求非常之士。我國自李以來。取人專用科舉。黎文盛爲李朝進士科之第一人也。黎昭統初元亦開制科。辰阮有整爲大司馬。各官撰題呈覽。整閱畢笑曰。我武臣何敢妄議。顧制策乃如是耶。各官默然不答。是科所得陳白覽阮公嘉。而二人事業亦太尋常。乃知科舉之不足以倫才也。

本朝尤重科舉。嘉隆六年開鄉試。科中三場爲生徒。四場爲鄉貢。賜冠服鹿鳴晏。初除知縣。明命二年開鄉會科及殿試。賜三甲進士。三甲同進士出身。皆賜冠服簪花宴筵。給旗扁榮歸。進士授翰林修撰。同進士授翰林編修。皆除知府。鄉貢充六部行走及坐監。六年改鄉貢爲舉人。生徒爲秀才。十年會試分正副榜。副榜不得入殿試。授翰林檢討。初除同知府。紹治三年許已補官之舉秀。皆得會試。嗣德元年定舉人經會試有分數。聽補訓教。科舉爲國家賓興大典。而爲士夫出身之正途。故有

科舉者以清流自命。若由間途出身。謂之雜流。雖有文武才略。勳名偉業。亦不爲世所重。世變然也。一國聰明才俊之士。皆駢力於科舉之學。以邀一第。不幸而不第。只怨辰命之未達。非所學之不如人也。今科未中。猶待來科。故有白首皤然。猶潦倒場屋。直到耳聾眼花之日。只甘以文字生涯。以爲蒙師爲醫師。爲地師爲卜士。斷不改圖一切工商寔業。以遺儒道之羞。

●士夫

當交涉辰。我國士夫可謂極盛之辰也。亦可謂極衰之辰也。何以言之。氣節有餘而知識不足也。急公仗義。奮不顧身。我國此辰。雖可謂有節操之士。筆不勝矣。惟當十九世紀之末葉。維新風潮。撼動大地。與我比鄰。若暹羅若日本。莫不有變法自強之行動。而我獨朝野恬熙。不痛不癢。如處堂之燕雀。如釜裡之遊魚。仕宦之外。無所謂事業。吟詠之外。無所謂性情。知科舉之末學。爲無用。而右文尙浮如故也。知外洋之技巧。爲可學。而率由舊章。如故也。知言論之足以救粃政。而報館不見設也。知教育之足以養育青年。而義塾不見立也。南圻已割。而中北兩圻鄉試會試中人。猶如癡如醉矣。曾一無人脫離腐儒氣習。發生維新思想。登高一呼。喚醒夢魂。使之各知自行改革。此誠非士夫之哉。辱

◎技藝

我國百工所操之藝。多傳自中國。古辰國人之仕於中國者。盜習其藝。傳于國人。至今數千百年。彼經更進化。而我獨株守古規。所以造製之物。類皆古陋不適於用。且一物之製。多由三四藝以成者。今以一人兼之。宜乎所製之物。不能精緻。如軸輞之藝。以一人而兼木匠繡匠畫工。此四藝皆非其所專。宜乎工愈多而藝愈拙矣。

製造法既無化學。又無機器。只以忍耐特久爲功。需辰愈久。則口食愈多。故所操絕技之工人。往往饑寒不能度日。如嵌琺瑯之匠。繡匠雕匠之類。無不如是。

惟其用工多而獲利少。其勢不得不謀爲假詐。以省人工。技藝之終於拙劣。且不恤也。農家田器。民間雜用。傢什之外。別無長物。卽縫衣之針。照面之鏡。必需於中國。所可怪者。每歲朝廷差官採買。北貨藏于內府。以供皇家使用。謂之和買。一年所費不知幾極。曾不知派人留學。以傳其藝于國人。一旦邊疆有釁。運載不通。幾置一國之人於窮奢之地矣。國人之有精於一藝者。由地方官察舉招之。來京以供內府之役。謂之工兵。所給糧餉與揀兵無異。無有疾故。不能返回。國人因此引以爲戒。莫復炫其技以取禍矣。

各省百工皆有匠目。由省官給憑。以承行公務。凡官署所需之工役。責據匠目。撥取工人。輪次就役。偶有不力。鞭罰隨之。工藝之人。與囚徒無異。是故百藝之家。稍有自贍者。必令其子棄改父業。讀書做官。以雪祖父之辱。由此觀之。我國工藝之不精。誠由上人無獎勵之術也。豈人才之不逮哉。

◎醫術

我國醫術在朝廷。不設爲學科。亦無考試其專業。聽在民間。私相傳授。凡能讀醫書。即可爲醫師。卽無識字知醫。而得父兄之口傳。亦可執刀圭。以司人命。其醫書也。如醫學入門。馮氏景岳。皆四千餘年岐皇古義。今世之人物。慾日多。氣質日薄。古方今病。不可用一也。其藥品也。揀自中國地道。旣殊功效。亦異。書眞藥僞。不可用二也。其醫師也。學問旣疎。經驗亦少。強引經言。以病試藥。前醫以寒治之。不效。卽以溫投之。前醫以寢瀉之不愈。卽以虛補之。幸而偶中。人命亦已危矣。

南藥諸方多有經驗。如麗密之膏藥。驛望之疳藥。及刀傷梗折諸方。皆公衆認爲最靈最驗之聖藥者也。惟人各秘其方。以專厚利。朝廷亦無獎勵其人。厚買其方。以公天下。今以全國性命。獨委之於風氣不同之北藥。一旦邊疆有事。航路不通。生於其辰。不爲病殺者幾希矣。慧靜禪師所著南藥驗方一書。懶翁全集。有南藥神效一卷。皆可擇用。惟草木之名處。處處殊音。臨辰訪採。頗難考辨。除非設大藥房。廣行集合。摘採方言。彙爲南藥本草。以備查究。何免死臥藥堆之誚哉。

◎農桑

我國地居瀕海。氣候濕熱。利農之古國也。故業農之民。多富於曠驗。耐於勤勞。非他處之可比。所不能自保者。水旱而已。上游之地多高原。非多開溝渠。不能以蓄水。中州之地多低濕。非疏通海口。不能以洩水。邇來朝廷。徒有勸農之心。而無課農之政。每逢水旱。卽飭民祈晴禱雨。此外別無良策。至今老鍊官府。猶有炤例。按科而行。增民煩費。甚可哂也。民間利病。朝廷膜不相關。一聽其風俗澆漓。自相殘滅。強者智者。得以包佔私肥。弱者愚者。受其剝削窮窘。富者益富。貧者益貧。怨妬相尋。盜賊滋擾。而社會全失其安寧之幸福矣。

社民之有公田者。炤例三年均給一次。先置神祠佛寺。后神事例各項田。及兵田、學田。附給里長田。其餘炤丁。均給自上及下次第分取耕作。以受搜稅。就中肥美之田。易於灌溉者。兄長先佔之。及輪至窮丁。皆不堪耕作之地矣。既是貧民。不無逋欠。係到均給之年。所以分田。卽爲富者出其賤價。以包買之。而貧者反爲富者之佃卒。是均猶不均也。民社之無公田者。得以私田。自相轉賣。每年於耕稼之期。貧家乏食。富者出其餘粟貸之。至收穫之辰。厚息還之。如此母子相權。不十數年。而富者田連阡陌。貧者無立錐之地。而成此貧富不均之社會矣。

太平省建昌縣人有陳公廷量與陳公文兼。兄弟二人皆因農而富者也。余曾遊于其鄉。見其第宅連亘數十畝。儼如王侯。而鄉人皆貧窶窮促。所居蓋舍湫隘難堪。全無農家光景。余甚異之。公之姪即余徒也。爲余言之甚詳。曰一鄉之人皆吾家佃卒也。所有分田土宅非典則賣。皆爲吾家私產也。非特一鄉。建太二轄接近諸社村。已暫歸統一之勢。嗟夫。大樹之下。細草不秀。鯨鱸之澤。魚蝦不生。優勝劣敗。固天演之公理。而亦人謀之不臧也。可不畏哉。

泰西農學有擇種藏種換種之法。有製土肥田停種之術。皆爲農家之所當講究。在印度有八熟四熟三熟二熟之稻。在高綿有水稻能浮生於河水之上。河畔之田宜試種之。我國農家多狃於習慣。不求改良。所以灌溉愈勤。土質愈薄。耕耘愈力。獲利愈稀。年甚一年。恬不知怪。穀米爲我國獨一之利源。每年出港約得三十萬噸。得銀約百五十萬元。纔足以償力役耳。且銷米之處。惟日本與中國之南數省而已。而出米之處。匪獨安南已也。若高綿、緬甸、暹羅。皆爲產米之盛埠。當此農商各界競爭。辰代。彼進則我退。死守古法者。未有不流於劣敗也。

◎鄉例

夫人與人相處。必有立爲契約。以維持其公衆安寧利樂之倖福。若賽神祈福。鄉飲犒望。皆隨人情風俗之所應。有共約而共守之。是謂鄉例。非我祖父故立爲鉄券。以繩縛其子孫。凡事宜於古而不通於今。其始有利。其終有弊。皆當隨時變通。興利以除害。彼愚不知動。曰市有例。民有俗。曰君法不如鄉例。死守善道。率由舊章。此亦文明進化之一大阻力也。

有社民遞年享神。社人輪次治具。一具之費非中貴之家不能辦。小民往往爲之破產。舉責以其鄉例不可委也。有社人葬親者須具牛羊粢酒以饗鄉人。謂之納例。鄉例未納。雖孝子賢孫不得盡於喪禮。諸如此類比比皆然。每社有一例。每例有一弊。社人既不知自行改革。朝廷亦默聽其自相頽敗。曰。鄉例也。莫敢改革也。莫敢干涉也。其幸禍喜災。未有如此其甚也。

以今見聞。互相比例。乃知我南人社會性質與歐人寔大相反。彼以維持進化爲目的。我以暫時行樂爲目的。彼思進化。故必相助相益。我思行樂。故必相誇相議。如西班牙抽呂宋票。能收千萬人不足視爲有無之餘錢。以成一人畢生難得之巨產。每月一票。不數十年而一國之人可相繼而成大資本家。我國社民遵行鄉例。破一家半生血汗之私產。以供鄉人一朝無味之歡樂。每年一例。不數十年而一鄉之人可相繼而至失業。試熟思之。誠非可驚可懼之事乎。

◎衛生

衛生之道。一以維持其身體之健運。一以奮發其智識之精神。如飲食空氣日光體操休息。皆爲形體運動之衛生也。凡有生之物皆能自知之。若精神之衛生。非學不知。非習不能。此文明野蠻之所以別也。我南立國四千年於斯。民族繁衍龐然。一文獻之大邦。豈無衛生之道可臻此哉。顧其進化遲滯。族類庸弱。不倚賴於大邦。卽受治於強種。此無他。有形體之衛生。而無精神之衛生故也。略舉數端以質。諸有學君子。

一以首負重。頭爲知腦之府。婦人多以首負物。北圻南下諸省婦人皆以首負重至數百斤者。腦筋爲重力所壓。感覺不靈。漸失神明之效用。所生子女必愚。

二曰男女早婚。有自童幼論婚者。氣血未充。則胎育不強。子女衆多。則教育不逮。三曰學術不精。童蒙初學。卽教以妄誕之事。如女媧補天。后羿射日。幼年智識未開。全失信寔之意。四曰嚴用鞭笞。蒙學之童。幾於無日不受鞭楚。久令畏怯。全失強毅之精神。五曰好作誑語。家人常以欺語爲調戲孩兒之料。自欺欺人。漸成虛詐之俗。六曰喜用呪咀。家庭里閈之中。稍有不平。交相呪咀。詬罵。多用淫穢之語。令人聞之。漸失羞恥之性。七曰迷信鬼神。一切人事。開口便說天命。憑藉鬼神。令人臨事糊塗。漸成倚賴之性。八曰好作禮貌。文禮之家。率子弟見客。使之俯首拱立。以唯諾服從爲禮。其中全是虛偽假貌。令人漸失從容自得之氣。向上數條。於精神上之衛生。大有損害。而習俗太深。莫可救拔。夫以一人之身。自少至長。全爲惡習所磨折戕賊。以造成無氣無血之人。雖父兄教誥之勤。斷不若社會習慣所染之深且切者也。

〔未完〕

▲一九二二年公債之目的

中圻火車。自乂安津次。至廣治東河者。乃積年交通上未完之功程。

這條路未通車。卽中圻交通上之阻力。東法政府爲交通上起見。欲築成這條鐵路。於最速期限。

這鐵路。乃爲越南三圻聯絡之孔道。又爲越南各地經濟界之要點。而正爲東法全權龍大人。對於東法所經營籌劃之大政。欲鐵路早成。必需浩大財政。故本年發行六兆元之公債票。以爲建這條鐵路之用途。是則本期公債之目的。乃應用於國內之交通事業。利益於三圻之經濟前途也。

●順化古時之人物

錄撫邊雜錄

順化在閏胡辰。有鄧悉父子。以將相顯名。其在黎朝順天洪德間。則阮子雖爲軍師。裴育材登進士。僞莫辰有楊文中高第。作烏州近錄。中興初。我太祖皇帝入鎮莫辰。我朝所携部曲多清。父之人。僑居附貴。其子孫有才藝識見。或以世廕進。或以考試用。亦復不少。而南中之士俊乂。登諸王朝者。歷歷可紀。不可謂無人才也。

阮居貞。號澹庵。香茶安和人。六世祖原姓鄭。名柑。天祿縣芙蓉場人。爲前黎朝兵部尙書。遭僞莫篡。避居順化。其父登第。始改姓。歷官知縣記錄。居貞少能屬文。中生徒補知府仕。世祖皇帝辰爲廣義府巡撫布政營記錄。所言於

朝。莫非忠謀讜論。癸酉年伐高綿。差充參謀。調遣五營軍。有機略。能決斷。籌畫精辦。遂收得順城。岷蠻三萬衆。降服高綿國王蠅源。立蠅尊爲王。嘉定河仙稔。其名望在邊十一年。至乙酉年(1265)。睿宗繼統。始召還爲吏部。數年而卒。居貞博學能詩。在廣平嘉

定屯營辰。與河仙總兵琮德侯鄭天賜。以文詞相贈答。有和河仙十詠。一曰金嶼攔濤。帝怒陽侯數犯邊。移將仙島。鎮前川。波粘不拭長城面。水猛方知柱砥權。精衛半消啞石恨。驪龍全隱抱珠眠。知君亦是擊天物。今古滔滔獨儼然。二曰屏山疊翠。中分村落立岩峽。淡墨濃青作意描。地脉衰靈看樹石。民情愁樂問葛蕘。春開繡幙邀戎府。秋起金城拱聖朝。此味廣州人樂得。芬華不爲陸沉凋。三朝闕。八水開顏僧下巢。待叩堪憐禪亦有。不鳴鳴得太陽交。四曰江城夜鼓。金城峙立碧江臯。鶩臥樵樓對月號。細雨有權聲欲遙。狂波無韻響偏豪。遙呵鵠樹依難定。近蕩蛟潭夢亦勞。誰念天涯鳴

武略京華從此枕彌高。五曰石洞吞雲。一山開破兩岩阿。吞下浮雲還放過。蟠屈龍伸歸勑納。鸞翔鳳翥入包羅。葫蘆火濕凝烟雨。石室人寒積絮多。出岫待教能五采。光扶神武定山河。六曰珠岩白鷺。山涵海色碧無瑕。誰送霜兒到作花。行傍浪頭魚買計。立當松髮鵠忘家。汐潮興替自巍峯。鳥鶴短長空嘔啞。爲想烏衣堂上客。還將碌碌笑天涯。七曰東湖印月夜來誰琢兩圓光。一貢天家一水鄉。水謂銀盤天學鑄。天疑玉鏡水眞紋。皎螭若漏遁形勢。鷗鴈如添博翼方。慨想陶朱成事後。乾坤欲酌鼎中央。八曰南浦澄波盈溼波浪幾辰傾。還把玻璃列地明。箕畢分閒天事少。鱸鯢權失海心。平干城客事乘桴。思行部人無問劍聲。野老與鷗分派罷。長安笑指聖人生。九曰鹿峙村居僻壤窮丘可寂聽。子孫無患奪茅亭。鹿修留客野茶黑。豚足迎妻園果青。飽煖不知天子力。豐登惟信海神靈。更無租賦又閒事。大半人稱近百齡。十曰鱸溪漁泊漁家營隊月層層。漏出蘆叢幾點燈。父老空闔朝號漠。妻兒偏慣客名陵。撐持江漢雙枝棹。收拾乾坤一抱睂。聞道白蛟今又長。睡餘行擬試餘能。居貞餘作頗。多其題松浪云。平地翻教起綠波。丈夫爭柰阿彌何。流聲壯掩琴簧細。湧處寒侵枕簟多。舉棹蒼龍乘勢舞。開帆玄鶴趁辰過。何人半醒維舟浦。猛省威由岸葉麼。其詠兩女子洗足云。倒顛有術弄英雄。一對裙襦洗迺翁。踞我方濡龍脚赤。迎人猶傍玉顏紅。將軍不挫儒生氣。亭里難收里監功。大率狙公憑馬上。雍衡無復帝王風。其詠四趣。漁詩云。金翠臨河又向溪。說文或有以桂爲餌碧之綸。石灘蘆渚任東西。絲牽戲蚌爭江鷗。竹引懸魚怯水鷄匏盛沂花猶避晉。土茅盟帶未封齊。革愁自有鳴舷曲。木籟流琴雜鳥啼。樵詩云。金斧丁丁聽隔溪。石岩猿鶴響東西。絲開蔓徑清山廻。竹破叢林竄野鷄匏渡。有人危屈李。土筐無處餓夷齊。革寒况有來蘇望木桂。竹過笑磚啼耕云。金投

翡翠之綸。石灘蘆渚任東西。絲牽戲蚌爭江鷗。竹引懸魚怯水鷄匏盛沂花猶避晉。土茅盟帶未封齊。革愁自有鳴舷曲。木籟流琴雜鳥啼。樵詩云。金斧丁丁聽隔溪。石岩猿鶴響東西。絲開蔓徑清山廻。竹破叢林竄野鷄匏渡。有人危屈李。土筐無處餓夷齊。革寒况有來蘇望木桂。竹過笑磚啼耕云。金投

足導溉田溪。石岸蓑懸日已西。絲繭鳴妻謀積蟹。竹鞭攜稚趁鳴鷄。匏樽祝社先心潔。土草開蓄耦力齊。

革命待逢三聘後。木梨拋下極哀啼。牧詩云。金經掛角叩前溪。石白松青野點西。絲繫臨湖安木鳥。竹吹投隴翻沙鷄。匏懸北地終須漢。土唱南山未相齊。革禍每從牛口得。木殯草著莫憂啼。其擬過賈誼宅。和唐長卿原韻曰。鳥邊鳥爭堪問數。遲超遷何喜謫何悲。黃頭更入軒干夢。青簡難行絳灌辰。清恨暗埋壺井在孤貞明許石牀知。史記評林賈誼傳註引湘水記云。誼宅中有井。誼所穿極小而深。上嵌下大。其狀如壺。旁有一高脚石牀。容一人坐。刑流古制相傳云。誼所坐。憐君

還有幸君意。宣室未經天一涯。其夜飲詩云。醒人何苦獨行吟。繼晷留賓且對斟。手燭方思償晝短。

情杯安用問更深。是非久鬧聞雷耳。理亂俄閒醉月心。何必中山酩然好。浮生干日幾分陰。其暮雨留客詩。并序云。醜虧辰平。孤生日老。玉門關而未入。酒泉郡以何言。辰而火未下流。金方中伏。殘荷帶濕。折柳沾泥。犬白鷄丹。盟心有幾。水黃土黑。舉目無聊。想其濯纓長河。總轡絕坂。烟塵染面。袖牒裝懷。宣室瞻雲破十年之春夢。籌樓苦雨。李德裕守西川建籌邊樓恒六月而秋容傷氣候之不齊。惜光陰之已過。來無雜客。難爲清素之門。李景懷清素寡欲。門無雜客。笑有鴻儒。窃慕芳馨之室。雖分符靡鹽。事屬五營。而把甕無機。情牽三徑。豈期今日。逢此故鄉。要在言深。何妨坐久。欲回天而不可。將繼晷以猶堪。薄煖君寒。請開我塞。言之無盡。情見乎詩。坐悵天光晚不回。無端陰雨去還來。戈鋌已在前年。洗松竹都歸故里。栽索屢未宜濡旅服。催燈且共罄餘杯。陽關對此情無限。一夕勝如一卷開。

阮居貞有答河仙鄭總兵琮德候書云。曩者辱惠好音。責以開卷有得。或要務弘謀。一二必以反示。今茲又如是。是責之者所以教之也。意氣慙斯慙斯鄙也。不覺感愧交集。彼啖洿池之鮮。亦當知作網之恩。味林園之甜。亦當知蓄樹之恩。其爲獲也。小爲利也。下矣。况假之以經緯之具。公之以道義。

之資而忘其所以獲之利之所自乎。靜言思之。雖括羣飛之鑑。族衆潛之珠。以供一瓶。亦斯爲薄矣。夫何有於反嘗聞古之爲學也。舉道丘以爲肉。傾德淵以爲酒。編百行而廬室之集。萬善而冠服之言可言於可言之辰。無不中爲可爲於可爲之辰。無不從修之於家而鳴之於王庭。修之於國而行之於絕域。其如是之謂有得鄙也。則不然。采於翰墨之微。而加之吏民之上。錄於資廕之末。而責之以邊疆之效。則何等榮遇。何等時節哉。苟不鄙也。必能經權並行。內外無間。趙孟開疆不翅千里。高宗獲醜。何待三年而鄙也。徒慕黃公之廣德。其所以廣也。弗克益善。南仲之全師。其所以全也。弗克濟。三表五餌之策。夢中說夢。期月三年之教。茫若望洋。出入膠柱。進退如觸。賢侯而獨以鄙也。爲能有得乎。夫中之閑也。乃是之行。皆賢侯之不足觀也。匪惟識鑒。將不知五行。不識一丁。亦概見其無能也已。賢侯而又以鄙也。爲能真有得乎。雖然。人不能離道以成人。道亦不能遠人以爲道。事本乎道。道藏諸事。無定名。無定形。分之而三才。合之而六籍。有人如此。或卷而約之。或舒而博之。夫誰曰不宜。自人觀之。故有正得。有奇得。有無求。而不得。道一也。名之不同。位之役也。昔有醫焉。友善而攻岐。一藥者也。一石者也。石者囑之曰。苟能惠我以濟人也。吾其永矢之哉。藥者然之。遺之以所得。溲渤友之妻。詬之幾於離。夫溲渤之於醫。非可詬也。收之舍之。各於其位也。爰自弱冠。奉先人之遺編。窈累世之糟粕。一得意。則應之不已。又從而韋之而弦之。日進吾往也。旣仕。則弦者韋。韋者弦。漸而半矣。今則不能以一二均之。是人也曾未五十。旣胡然而箕。又胡然而畢。謂非位之役。而何側聞。賢侯謙茅土之尊。履券之誼。遺過失重。然諾廉後。命而咫尺。律小白之正於周。勤郡試而賞罰。慕抱眞之忠於唐。智欲爲規。誰使圓之。義欲爲矩。誰使方之。終一言而百諾。終百行而羣從。則不膚撓不

掣肘既而不自滿足。不停披讀。一善而來。如登春臺。則非鄙也。之可能得也。不惟不可能。恐能之而不周。周之而不及焉者也。何則。注於响者。聾於霆。察於毫者。蔽於形。則於藥者。石者。見之思不出其位之謂也。此則賢侯之識鑑又不足知者矣。顧乃責糴於石田。而藏若虛。責獻於漏卮。而有若無。得非恐鄙也。之因於多也。君子多乎哉。末笙則本搖。外繁則內匱。而有是言。而有是之諄諄勤勤。故曰。責之者所以教之也已。鄙也。今聞命矣。飛蟲亦弋。無慮辰獲。望風依依。敢布腹心。又有答河仙。協鎮瑛德侯。請詩云。夫存心爲志。寓志爲詩。人有淺深。故詩有隱顯。博約之不同。辰有升降。故詩有初盛中晚之各異。約之不外乎忠厚爲本。含蓄爲義。平淡爲工。而文之以綺麗。鍛之以奇巧。特六義之外。篇五際之餘事者也。心者難測之物。泄之爲詩。而成乎爲語。至於一字有三年而後得。千祀而弗解。余是用難之。况少存涉獵。未能窮思於經綸。長頗慵疎。切戒希名於文字。以故平生佳作者鮮矧。乃金河玉塞。萬里之情。三軍之務。其能暇及乎。縱有吟詠一二。亦詭勉由人。初非盡出己興。律之不苟良亦多慚。惟善爲我藏。不足與人道也。

◎ 發財之絕好機會

▲ 東法政府募集公債

本期公債乃由一千九百二十一年六月二十日之議案並同年十月初八日之勅令而發行。

● 公債之數額——公債之目的

公債數額爲六兆十八萬銀元。

▲募集之方法。

本期公債分爲十二萬三千六百份。每份票價五拾元。募集後之三十年限內爲還債辰間。這辰間每年均有抽籤還銀。其每年清還之數爲四千一百二十債份。而各份之所獲獎有百元者五百元者一千元者一萬元者。每年抽籤四期。各期相去三個月。其每期所獲獎之數如左。

西六月初一日及十二月初一日

〔甲〕 一票 得獎………萬元

〔丙〕 十二票 得獎每票……五百元

〔乙〕 一票 得獎………千元
〔丁〕 一千十六票 得獎每票……一百元

西三月初一日及九月初一日

〔甲〕 四票得獎每票 千元

〔乙〕 二十六票………五百元

〔丙〕 千票………一百元

共每期一千三十票

若是則每年有四期抽籤。得獎共四千一百二十票。其間中萬元者二票。共得銀……二萬元。

中千元者十票。共得銀………一萬元。

中五百元者七十六票。共得銀………三萬八千元。

中百元者四千三十二票。共得銀………四十萬三千二百元。

總共一年有四千一百二十票得獎。共銀四十七萬一千二百元。

三十年內凡買債票之各人既得收回本銀而且獲收利息這利息之總額共達七兆九十五萬六千元。

單就中百元以上之票而言則每年已達六萬八千元之額這等公債想向來歐西所發行未嘗得若是之重息者。

這公債票無論何票均得收還本利最少之數亦達百元然則每票決然自有一本一息之確數。

▲利益之關重要點

每期抽籤則可減少一千三十票數票數愈少則後來未獲獎者愈有倖獲重獎之希望是故本期債票於三十年間日愈久而愈貴人惟知其貴也故誰不欲備購一二票以不孤三十年間之希望而將來票價騰貴爲世人所歡迎爭購者亦未可知由是觀之則曷若於政府發行之初期各人當及此辰備購數票之爲得計。

▲注意點

債票之日見寶貴已如上敍故不必待到中獎亦有利處試如於緊需辰可持這票轉售必獲現款而價昂於初買之時者亦有之他若買獲這票之人自己既有中獎之希望而持票日久則票價日高若以票再行轉售決然獲利若是則三十年間其未獲獎之票可利用之以營暫時之利息而待到獲獎之一日債票之利益如此用途如此凡有餘資者可不及早購置以求獲享斯千斯萬之厚利乎。

欲這公債票交易之便利。則當有交易之市場。俾隨其交易之情形。而定票價。且每日公告其價於各人知之。

因是政府於募債事完之後月。即於東法銀行之各支店中。均有設一市場。交由這支店之管理員。担任兌買事務。每日票價漲落之度。政府另設法日日宣告於公衆知之。

買債票者亦是儲蓄之好方法。譬如有人焉。購得多數之債票。猝然遇緊需時。既欲得款以濟急。而且不欲兌票以失獲獎之望。則斯時可持債票。典質於東法銀行。銀行另付百分之八十之質金。蓋每票之價五十元。而銀行另付質現銀四十元也。且政府另與銀行調停。俾凡持票抵質者。可得減少利息。每年百元只受息六元而已。

且債票雖典質於銀行。而典質時間。若有中獎。其有這票之人。亦得獲享其獎款。由是觀之。這債票者可爲有票人問債銀行之保證。無異於保領之記字也。

▲領徵人當知之點

這債票可充爲寄櫃之銀款。最要者爲對於政府領徵各工程之諸人。可持此債票向銀庫代納寄櫃銀。待到事務辦完。取回原票。而票價正爲銀元。則不被金融漲落之弊。而有吃虧之慮。且也於以票寄櫃之時。而票之價值自然日愈騰貴。况其時若得中獎。自己可向銀行購一別票。持來銀庫換取中獎之票。以領獎金。此可見利息自然生於櫃中。而獎金亦可確持於掌握也。

▲ 抽籤方法

本期所發行之十二萬三千六百票。各票均著號數。這各號數。每數又分署於每個堅明之一紙片。然後以每一紙片置於一個小輕鐵筒。另以各筒共投於一機。其機車輪形銅製蓋以玻璃片可透視機中之各筒。這機一旋轉。則各筒由之相混焉。

抽籤時。乃於此機旋轉各筒相混之後。任意抽出一筒。以定獲中之數。抽出辰。則取筒中之紙片。呼其號數焉。

抽籤在河內城廂。每年四期。西三月初一。六月初一。九月初一。十二月初一等日。有財政監督官及西南各官證見。且公開俾公衆均得參觀。抽籤後。政府立即用各方法。宣告其獲中之數。於公衆知之。最要在粘揭這等數於鄉會公所。且何關係前期抽籤獲中而未領銀者。亦於後期抽籤兼揭載其前期未領之中數。

◎ 還銀於中獎人之格式

抽籤完。則起自抽籤月之後月十五日爲始。中獎之人。可持獲中之票。向銀庫領獎。領獎時。須摘還例費。(這例費即爲動產之所得稅。現例爲百分之六。)故於西六月初一日獲中者。起自七月十五日以後得領。九月初一日獲中者。起自十月十五日以後得領。十二月初一日獲中者。起自正月十五日以後得領。三月初一日獲中者。起自四月十五日以後得領。蓋政府欲留這六禮拜之時間。遍行宣告。俾公衆週知。及各銀庫得。有時。暑以檢查本期所獲中之票數。俾便發銀也。若是。則獲中之人。若欲及早領銀。則纔自銀庫得。有時。暑以檢查本期所獲中之票數。俾便發銀也。若是。則獲中之人。若欲及早領銀。則纔自來領銀。領獎時期。以三十年爲限。自中獎日至三十年限內。而不領獎者。則這票即行取消。

●發行債票方法

於各人納銀購債票辰。只發一編認紙。未發證券。蓋由政府未知現下各銀庫各郵局及各銀行支店所發售之債份得干。俾便發證券。以符合於政府所定募債之數額也。

待至西三月二十日之後。並第一期抽籤之前。政府另行發出以換取編認紙。

仍於此期內有何證券票主未及領者。則另以這證券置於書封粘好。外編其票主之名。這等證券印自大法現已寄到。券紙精好。內有全權龍大人之記號。及財政監督官或代理官之記字。

▲文憑

發證券辰另同辰以極好之文憑紙給發於票主。這文憑隨其募債銀數之多寡而有差異。

●總論

總而言之。這公債局乃東法政府專爲東法境內而特設之債局也。故其優點如左。一初辰人民之募債。及後此政府之還銀。均以銀元計算。

二、無論何票均獲政府還銀二倍。且還銀至二百倍者亦有之。向來這等公債。未嘗獲若斯之厚利也。

三、票價自初買時以達於三十年。必愈日愈貴。決無有低落之虞。

四、賴有銀行之市場。故欲購票賣票者可於東法境內交易。未嘗吃虧。

五、買票取證券及認獎銀。最爲便利。不若從前各公債期之繁複。

六、買票得及早領證券。無論如何亦於第一期抽籤之前領清。

● 抽籤第一期

抽籤第一期爲本年六月初一日。這期中萬元者一票中千元者一票中五百元者十二票中百元者一千十六萬。總共獲中一千三十票銀數十一萬八千元。本期獲中之數起自西七月十五日以後得領銀。

● 發行債票辰期場所及各細則

債票發售起自本年三月初一日至二十日止。

東法境內各銀庫各大郵局並東法銀行或銀行之各支店均有發售。惟各郵局不得發售於一人過十份債票。何人欲買債票多少隨意。仍政府之募債有限。故買票若過多者。政府臨時隨其限量亦有減少票數之權。

用財於有用之地方爲達人。買國債者用財之良好機會也。

用却五十元而三十年間不絕發財之希望。噫三十年爲一世。而希望者人世之常情也。買國債以養自己之希望。亦處世消遣之良好方法。

不買今次國債。則幾若不知今日鐵路之利益何如。夫我民今日誰不知鐵路利益乎。

欲達發財之希望。當造成希望之原因。買國債者爲自己希望造因。也不買國債。則安得有中獎之希望。

能爭先於公益事業者。方爲真正國民。方爲愛國人物。募國債以開跌路。乃政府謀公益之事業也。不買國債。無乃負國民之責任。無愛國之思想。除却無錢。甘受束手。有錢之人。寧居人後。買國債票者。乃每年與公衆占發財之命運也。

何係買十份債票以內者。買時須卽還現銀。買十份以外者。則只還現銀十份。其餘可先納每份十元。俟募債事清。另行納足。若何人買票過多。募債後政府通算有溢於本期所募債之定數者。則政府另限定其數。炤先納之銀款。若有剩數。則於發證券之時。卽行退還於各買主。

納銀買票時。均得領一編認紙。無有費損。這編認紙。編買票人之姓名。詳計訂買千票。及現納銀數千。這編認紙。由鋸齒簿內之一紙。發出。俟發證券時。另收回這編認紙。

票價

票價每份五拾元正。

買公債者乃盡國民之分事。且爲本處經濟前途而謀其發展。

買公債者乃爲儲蓄之最好方法。

買公債者乃圖顯然之利益。以其確獲二倍之利息。且逢倖運得二十倍二百倍者有之。

買公債者乃使自己三十年內均有發財之希望。

快來快來!!!

買債買債!!!

鐵路交通國家之利。金錢株守國民之罪。孰若以錢買國債。助政府開辦鐵路工程。既有利於國。而自己金錢亦獲享其利息。一則盡國民之義務。一則有生財之大道。

買國債者乃儲蓄之好方法。不及今早圖之。逮後見他人之中獎悔將奚及。

廣平順江陳孟檀樂園寄稿

▲初學漢文課法（續九）

△第二十節 稱呼之替代字 Pronom personnel

此諸字與稱呼指明字。西國各別一類字。而漢字則公用之。所以此諸字與稱呼指明諸字並同。惟繫於名目字上者爲稱呼指明字。不繫於名目字上者爲稱呼替代字。此其別耳。

吾我予余朕臣僕妾是第一位我輩我們吾儕吾等是第二位爾輩爾們汝曹汝等是第二位彼他伊該是第三位彼輩彼等他輩他們是第三位繁替代字單替代字

句法 孔子曰吾替孔十有五而志于學。孟子曰我替孟亦欲正人心息邪說。孔子謂顏淵曰用之則行舍之則藏。惟我替孔與爾替顏有是夫。孟子謂樂正子曰子替樂亦來見我替孟乎。朱子曰使文王若在十年。他替文終不是安坐虞芮之人相與語曰我輩替虞芮小人不敢履君子之庭。

△第二十一節 確顯之替代字 Pronom démonstratif

此與確顯指明字法文各別一類字。而漢字則公用之。所以此諸字與前略同。惟繫於名目字上者爲確顯指明字。不繫於名目字上者爲確顯替代字。此其別耳。

其所厥攸屬泛說目。之是此然這屬稱呼目今改之

句法 英國在歐洲之西。其替英地僅有三島。中華在亞洲之東。其替中民多奉孔教。徵王與馬援戰爲所替馬破。拿破崙與惠靈村戰爲所擒。所字替靈吞富與貴是人之所貴欲也。貧與賤是人之所賤惡也。仁義禮智人心所替富固有也。喜怒哀樂人情所替上同然也。惟彼陶唐今失厥道。在昔先王懋敬厥替先德。周道蕩止君子所替周履。有蠹其庭君子攸替庭寧。凡其字與厥字上所字與攸字常繫于功用字上。太甲敗度伊尹放之替太管叔煽變周公誅之管叔○此之字常柳下惠少連或降其管于功用字下唐替陶道。

志或辱其替惠連身。孔子則異於是替惠連。管仲晏子或伯其仲替管晏君或顯其子替晏君。孟子羞比乎是於陳蔡替上句。劉季爲大漢皇帝布衣至此替皇帝極矣。拿破崙爲荒島之人英雄至此人替囚休矣。孔子厄於公卿大夫替上句則聖人亦有窮辰也。拿破崙困於厄蔑然替上句則英雄亦遭末路也。

▲第二十二節 連系之替代字 Pronom relati

之斯者此此數字能連系數字或數句之意義故云連系

句法 仁言不如仁聲之聲替仁入人深。善政不如善教之教替善得人心。得民心心之人替得民斯得民矣。得民斯之人替得民得天下矣。以德行仁者仁替行仁王。以力假仁者仁替假仁伯。仁義忠信此四字替上天爵也。公卿大夫此四字替上人爵也。

▲第二十三節 泛指之替代字 Pronom indéfini

人或一餘他

句法 人之人替泛指之有技若已有之。人上同之彥聖其心好之。或之人替泛指生而知之。或上同學而知之。周公孔子皆大聖人也。一雖周公但亦泛指下同則行道於當辰。一子替孔則傳道於後世。伊尹伯夷皆古聖人也。一尹替伊則行義以達道。一夷替伯則隱居以求志。

●第六章接續字 Conjonction

凡數字或數句相連不論意義同異而脉理有相通者中間必用別字連之謂之接續字法國此門字較之漢字多有懸殊茲但擇其近似者依類分之。

▲第二十四節 等級之接續字 Conjonction de coordination

與及暨訖至此至字法文原屬助語門或亦并又而抑將

句法 我越與中國。寔爲隣邦。英國與丹墨。係是姻誼。美利堅亦名合衆國。西班牙亦名大呂宋。山岳高數數千尺。或數百尺不等。洋海深度。數十丈。或數百丈有差。我國至法國。海道約有一個月。西貢至河內。海道約有五日程。土地及人民。皆有國之至寶。教化與形罰。皆治世之大端。創業垂統。祖若尊有締造之功。持盈守成。子若孫有繼承之責。人生年紀。由少年而彊壯。由彊壯而老大。世界階級。由野蠻而半開。由半開而文明。身修而家齊。家齊而國治。工夫有後先之別。親親而仁民。仁民而愛物。酬應有等級之差。上者下之唱。上和則下睦矣。君者臣之表。君義則臣忠矣。

△第二十五節 義例之接續字 Conjonction de subordination

若苟使縱然而惟但第故特乃苟顧也奈顧且夫蓋因以况又雖猶亦良徒

句法 士以志學而成名。若苟也講究弗勤。則希賢之望難副。農以力田而獲利。若耕播弗力。則有秋之望徒虛。土地國之至寶也。苟侵削。則地圖之顏色變。人民國之至寶也。苟愚昧。則命界之精神死。魯尊邦也。使假孔子。則變道之功可冀矣。齊大國也。使同用孟子。則舉安之效可期矣。吳魏分割。漢祚幾移矣。縱有英傑。不能翊漢室之傾頽。閩廣偏安。宋事日非矣。縱有英雄。不能救宋家之委靡。歐洲之地。雖狹。而語其才智。則反優。亞洲之地。雖廣。而語其富彊。則反遜。拿坡益蓋世之英雄也。然滑鐵盧之戰。覆沒全軍。故或目之爲罪魁也。阮文惠一世之奸邪也。然富良江之戰。盡摧北寇。故或稱其爲雄傑也。然字有反說之意周遊列國。孔子非無行道之心也。惟猶云只因世莫知。尊故不能易春秋之風雨。歷聘侯邦。孟子非無救時之念也。惟辰不見用。故不能易戰國之干戈。